

Broj: 73-11-7-2335

Datum: 20-01-2025

Na osnovu člana 64. stav 1. tačka a), člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654), na temelju Izvješća o radu i Preporuke Komisije za nabavku i Zapisnika o ocjeni i pregledu ponuda brojevi: 73-33-4-273-2 i 73-33-4-273-3/25 od 17.01.2025. godine u postupku javne nabavke „Nabavka centrifuga za potrebe OJ Klinička biohemija i laboratorijska medicina”, V.D. Generalna direktorica donosi:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 73-33-4-273-3/25 od 17.01.2025. godine, Ugovor za javnu nabavku usluga „**Nabavka centrifuga za potrebe OJ Klinička biohemija i laboratorijska medicina**”, dodjeljuje se ponuđaču BROMA BEL d.o.o. Banja Luka, ponuda broj 1622/24 od 23.12.2024. godine, **za ponuđenu cijenu od 35.000,00 KM (bez PDV-a), kao najpovoljnijem ponuđaču.**

Član 2.

Izabrani ponuđač se oslobađa obaveze dostavljanja dokumentacije po članu 45. Zakona o javnim nabavkama (lična sposobnost), obzirom da je u sastavu svoje ponude već dostavio navedene dokaze u traženom obliku i sadržaju.

Član 3.

Prijedlog Ugovora dostaviće se na potpis izabranom ponuđaču po pravosnažnosti ove Odluke.

Član 4.

Ova Odluka objaviće se na internet stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Senisović

Član 5.

Ova Odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: br.73-04-4-43574 od 09.12.2024. godine. Javna nabavka je sprovedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 35.000,00 KM.

Obavještenje o nabavci broj: 893-7-1-537-3-940/24 objavljeno je na Portalu javnih nabavki dana 17.12.2024. godine.

Komisija za nabavku, imenovana je Odlukom broj: 73-04-4-45450 od 20.12.2024. godine.

Komisija za javnu nabavku dostavila je Ugovornom organu Zapisnik o pregledu i ocjeni ponuda i Preporuku o izboru najpovoljnijeg ponuđača zajedno sa Izvještajem o radu brojevi: 73-33-4-273-2 i 73-33-4-273-3/25 od 17.01.2025. godine u postupku javne nabavke „Nabavka centrifuga za potrebe OJ Klinička biohemija i laboratorijska medicina”.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 ponude,
 - da su blagovremeno primljene 2 ponude,
 - da nije bilo neblagovremeno zaprimljenih ponuda,
 - da je zaprimljena jedna prihvatljiva ponuda,
 - da je zaprimljena jedna neprihvatljiva/nepravilna ponuda,
- da je ponuda ponuđača BROMA BEL d.o.o. Banja Luka, kvalifikovana i prihvatljiva i izabrana kao najpovoljnija, a cijeneći kriterij za dodjelu Ugovora u predmetnom postupku – najniža cijena. Dostavljeni su svi traženi dokazi propisani tenderskom dokumentacijom, na propisan način, kao i dokazi po članu 45. ZJN (lična sposobnost) u sklopu ponude,
- da je ponuda ponuđača D.O.O. EURO LAB Bijeljina neprihvatljiva/nepravilna iz sljedećih detaljno obrazloženih razloga: I- Ponuđač D.O.O. EURO LAB d.o.o. Bijeljina u Aneksu 3 (Tehnička specifikacija) u okviru rubrika 1.18. i 2.19. je upisao da ponuđeni proizvod ne zadovoljava tehničke karakteristike, međutim nije upisao opis ponuđenog za navedene rubrike, iako u okviru tehničke specifikacije je decidno navedeno (i za to predviđena rubrika za upis) da se opiše ponuđeno ukoliko je odgovor “NE”.

Demićević

Pored navedenog, u rubrikama 2.2. te 2.8. nude se karakteristike koje odstupaju u parametrima više nego što je dozvoljeno, jer u okviru napomena Tehničkih specifikacija je propisano "Za sve navedene tehničke parametre Ugovornom organu je prihvatljivo odstupanje od istih u maksimalnom iznosu od 5% ($\pm 2,5\%$)." Ukoliko u obzir uzmemo ponuđene karakteristike iz navedenih rubrika, izvodi se zaključak da iste ne odgovaraju traženom, odnosno da je veće odstupanje od dozvoljenog.

II- Nadalje, na stranicama 19. i 20. dostavljeni su dokumenti na engleskom jeziku naziva: „Letter of authorization i Certificate“, iako je tenderskom dokumentacijom, u okviru tačke: 3.1. Sadržaj ponude i način pripreme ponude propisano: „Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćiriličnom pismu. Izuzetno, štampana literatura, brošure, nacrti, kataloška dokumentacija, i protokoli o tipskim ispitivanjima materijala i opreme, koje ponuđač dostavlja mogu biti napisani na engleskom jeziku i u tom slučaju ponuđač nema obavezu prevoda na neki od službenih jezika u BiH.

Prilikom pripreme ponude ponuđač se mora pridržavati zahtjeva i uslova iz tenderske dokumentacije. Ponuđaču nije dozvoljeno mijenjanje i/ili dopunjavanje teksta tenderske dokumentacije." Nadalje, članom 12. Stav ZJN je propisano: "Ponuđač podnosi ponudu na jednom od jezika u službenoj upotrebi u Bosni i Hercegovini. Štampana literatura, brošure, katalozi ili slično prilažu se bez prevoda, osim ako ugovorni organ tenderskom dokumentacijom ne zahtijeva da se i ti dijelovi prevedu." Iz svega navedenog, jasno je da gore navedeni dokumenti nisu kataloška dokumentacija, niti brošure itd., stoga Komisija izvodi zaključak da se ponuđač nije pridržavao uslova iz tenderske dokumentacije. Cijeneći sve gore navedeno i detaljno obrazloženo činjenično stanje, a podvodeći isto pod norme ZJN, Komisija ponudu predmetnog **ponuđača ocijenjuje kao neprihvatljivu i nepravilnu**, te se ista odbacuje sukladno članu 68. stav (4) tačka i., ZJN gdje je kao razlog za odbacivanje ponude propisano da se ponuda odbacuje kada: **i) ponuda nije potpuna i ne ispunjava zahtjeve iz tenderske dokumentacije.**

U predmetnom postupku javne nabavke propisano je održavanje E-aukcije, međutim ista nije zakazana/održana jer nisu stvorene pretpostavke za održavanje iste (samo jedna prihvatljiva ponuda u postupku).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, V.D. Generalna direktorica nije našla razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

najniže dostavljene cijene ponude (cijeneći kriterij za dodjelu Ugovora), tehnički i formalno-pravno ispravno dostavljene ponude u okviru procijenjene vrijednosti javne nabavke.

- **Naziv ponuđača čija je ponuda ocijenjena kao najpovoljnija:**

BROMA BEL d.o.o. Banja Luka.

Iz navedenih razloga, primjenom člana 64. stav 1. tačka a) Zakona o javnim nabavkama, člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, ili preporučenom poštanskom pošiljkom.

V.D. Generalna direktorica



Prof.dr. Hajrija Maksić

Dostaviti:

- Ponuđačima,
- Služba za javne nabavke,
- a/a.